



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Angelis Actibvs humanis, & Legibus

Vindalium, 1646

Cap. X. De locutione Angelica & illuminatione.

urn:nbn:de:hbz:466:1-38834

¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶

CAPVT X.

*De locutione Angelica &
illuminatione.*

CONCLVSIO I.

VNUS Angelus alteri loquitur.] Ita
S. Thomas i.p. q. 107. art.1. quod
probat, tum ex verbis illis 1. Corint. 13.
Si linguis hominum loquar, & Angelon-
rum, tum quia h̄ic non agitur de locu-
tione corporea, sed de spirituali, quæ in
eo posita est, quod quis ordinet suum
cōceptum ad hoc ut innotescat alteri; at-
qui potest unus Angelus per imperium
voluntatis ordinare suum conceptum, ad
hoc ut alteri Angelo innotescat; ergo
potest unus Angelus loqui alteri.

Nota circa hanc rationem, vnum esse
certum, & aliud de quo controuertitur,
certum est requiri ad locutionem, ut qui
loquitur alteri, ad eum verbum suum di-
rigat, siquidem aliud est dicere apud se,
& aliud loqui alteri: nam vt apud se ali-
quis dicat, satis est si apud se verbum &
conceptum producat: vt vero dicat al-

teri , necesse est ut conceptum suum ad eum dirigat, cumque ita exponat, ut ab eo percipi velit; alias ficta , aut frustranea erit ea locutio, ut dum quis alloquitur inanimata : imò licet qui dicit, percipiatur ab alio, potest asserere se non loqui illi, si ad eū verbū suum non ordinet.

Grauis autem dubitatio est , an sufficiat ad locutionem, quod vñus Angelus conceptum suum ad alium dirigat. Non pauci negant sufficere , adeoque existimant Angelum loquentem alteri , debere illi conceptum suum indicare per signum aliquod sive spirituale, sive materiale. Alii tamen melius affirmant, partim quia ex communī sententia nihil possunt Angeli actionē transeunte immediate efficere præter motum localem , possunt etiam inter se loqui in vacuo. & quamvis ab aliis præsentibus non intelligantur ; partim quia cùm cogitationes cordis ex se possint naturaliter ab Angelo cognosci , vt superiùs ostendimus, tantumque requiratur ut Deus ad earū cognitionem cum illo velit concurrere, hinc sanè consequens est , Angelos loqui eo ipso quod velint conceptum suum aliis innoscere, sicut iuxta modos allatos Angelus alteri loquitur , quatenus format aliquid per quod vult concep-

tum suum ipsi innescere. Neque in hoc est aliqua difficultas, suppositâ prædictâ sententiâ ut intuenti perspicuum fiet.

Ex hac autem conclusione colligitur
 1. Angelum inferiorem posse loqui superiori. 2. quemlibet Angelum posse loqui Deo. 3. localem distantiam non impedit, quominus unus Angelus loquatur alteri. 4. unum posse loqui alteri, et si ab aliis non intelligatur.

CONCLUSIO II. Vnus Angelus illuminat alium.) Ita S. Thomas. p. q. 106. art. 1. quod probat, tum ex Dionys. cap. 8. Cœlest. Hierarchiæ: vbi ait, Angelos secundæ Hierarchiæ purgari, illuminari, & perfici per Angelos primæ; tum quia qui manifestat alteri veritatem quā ipse cognoscit, dicitur eum illuminare; sed unus Angelus manifestat alteri veritatem quam ipse cognoscit, ut patet ex eodem Dionysio cap. 7. lib. cit. ergo unus Angelus illuminat alium.

Nota 1. illud esse discriminem inter locutionem, & illuminationem Angelorum, quod locutio est manifestatio cuiuscunque veritatis, illuminatio autem est manifestatio veritatis ad Deum ordinata ut tradit S. Doctor I.p.q.107. art. 2.

Nota 2. veritates naturales non esse

DE ANGELIS. CAP. X. 65


materiam illuminationis, ut indicat S. Thomas q. 109 art. 3. ad 2. quia scilicet omnes Angeli habent perfectam cognitionem rerum omnium naturantium.

Nota 3. ex q. 106 art. 2. ad 1. unum Angelum eodem actu alium illeminate, purgare, & perficere, nam quatenus illi veritatem aliquam manifestat, dicitur eum illuminare; quatenus à nescientia liberat, purgare, perficere vero quatenus perducit ad finem intellectus, qui est veritatis cognitio.

Nota 4. ex art. 3, quod licet Deus interdum operetur, praeter ordinem in rebus corporeis positum, quia per hoc perducitur homo in maiorem Dei cognitionem: nunquam tamen ordinem in spiritualibus substantiis constitutum praetermittit, quia cum operationes earum hominibus non innescant, non potest illius praetermissio ad maiorem Dei notitiam conducere: quare Angeli inferiores semper illuminantur per superiores, & non vice versa, quod intellige nisi in casu aliquo extraordinario.

Nota ultimò quod ait S. Doctor art. 4. Angelum super iorem illuminare inferiorem de omnibus, quæ ipse nouit, non esse sic accipiendum, ut Angelus superior

inferioribus veritates manifestet, statim
atque ipsam cognitionem acquirit, sed
ita ut quicquid reuelatur, Angelo supe-
riori, ipse pro loco & tempore inferiori-
bus declareret, seu quando id expedire iu-
dicat.



CAPUT XI.

E De demerito & peccato demonum.

CONCLUSIO I.

MAlium culpæ potest esse in Ange-
lis.) Ita S. Thm. I. p. q. 63. art. 1.
quod probat, tum ex eo quod dicitur
Iob. 4. in Angelis suis reperit prauitatem;
tum quia peccare nihil est aliud quam
declinare à rectitudine quam actus de-
bet habere; solus autem ille actus non po-
test à rectitudine declinare, eius regu-
la est ipsa virtus agendi; atqui diuina
voluntas sola est regula sui actus, quia
ad superiorem finem non ordinatur: om-
nis autem voluntas cuiuslibet creature
rectitudinem in suo actu non habet, nisi
ut regulatus à voluntate diuina, ad quam
pertinet ultimus finis: unde in sola diui-